

石

巢

詩

集

石巢詩集卷七

甯鄉程頌萬子大簪

武昌三新磯

并敘

武昌上游江隄前總督周文忠公天爵故蹟也
兵後蕩涵江溢於湖光緒二十五年冬張文襄
公之洞更作長隄五十五里達於金口六七年
間新隄坍落循甘家河隄岸百丈見存才十丈
耳外受漢陽蠻蠻磯之衝內阨湖孺武泰聞諸
險屏障不固岷嶠其魚三十三年正月復奏請
以頌萬督修於隄則增卑培薄始作三磯袁家

河爲上磯甘家河爲中磯各出江十一丈有奇
隄環其外在老關嘴爲下磯又作沿江石坡高
七丈長四百一十丈以護之凡二十有七月工
成實宣統元年四月六日也綜費錢二十二萬
五千緡其年盛漲沒磯全隄不損再經冬涸三
磯屹然詩以落之俾後之守土者有考焉

岷江西來注金口下阨武昌常逆走大勢頻催萬馬奔
橫流欲駕千鼙吼江邊老農不敢顧襄湖遙瞰蠻螫首
漢陽打鼓隔洲聞白練江城旋如斗東阿故隄驚旣失
六十年來半功狗南皮故相企承平笑挾江湖分左右

長虹晚渴歲就堙窳底無人更胼手我劬三載兀孤注
身命與隄爲鎖紐畚鍤鋪花園作障澤纜楫龍船存培塿
萬夫不放水頭趨三月連催工竟否擔壅通堙邁江驛
節疏股引勞川后隄身且固隄岸摧甘家袁家腋連肘
沙淤層案不受篙舂壤縱橫如拉朽八年湍岸徙無常
百丈穹窿亡什九我營三磯首作塢冬涸深泓變巖藪
排牆下鍵編以蘆短筏長樁密懸筇沈十敗舟絣鐵網
實萬土囊兼籠篋玲瓏墜石五千艘鑿窮山勢牛頭醜
歲取亂石於京口此隄未完彼隄敗徂冬力戰徂春久
牛頭山以沈江底

沒入風濤互撞掎半石纔分瑪瑙坡萬鐵巧縛梅花帚
涉冬陽出基始堅併力圖成忘卯酉排松褻丈訖窮泉
鎚鐵旋機落高阜扯馬平分井字區橫牛力障千夫後
臨坡屢築屢圯乃創作橫牛疊垣選石退有程灌穴熬
扯馬之法以捍之則簪圖說漿輪用缶腹便輦土寶倉庾面壁連環分械杻四盤人
馬皆可旋百尺蛟龍上逾陡兩臂斜張鷗應弦中流騁
望犧并卣中磯窮劣拱神王上磯雄盼侔諍友水恠然
犀不敢呈驚濤直下江心剖載虞門戶鍵未牢老關觜
勢爲江有更作層磯不待隄沙明石滉盤蒼黝鉤連石
坡四百丈膏沃田廬數千畝毗儔傭飽各虓謹物力羣

鑿波怒喚混柱周遭岸腳深重闌密釘中心扣一道澄
江白石鋪三山犄角重圍厚敢矜民力破天荒誓踐江
神祝无咎元年首夏工併成巨防天塹勞非偶金口行
隄歲幾迴兩番秋穩忻黎耆瀟然川澤涌邱陵逃已隄
陰叢楮柳予時勑建白沙紙廠卽隄旁種楮五十里以供造紙武昌城南潦患絕
爲民約束知誰某防川防口等明辨爍金爍骨謀紛糾
兩載三磯奠屹然湖民險利歸天牖丈夫豈必魚腹葬
百姓銘爲鮑陽壽歌罷靈旗下大荒聿歆故相臨江酒

小別石巢

破曉巢居漫寫詩石牀茶鼎接方池游鱗避釣行常速

高柳搖風力不移生事儼同新燒草飢來仍采故山芝
麓雲殘衲方招我昨夢花前對一棋

朱雨田丈九十

觥觥一老論儒效林類鬢眉復幾人內景服參鍾乳石
外臺傳賜鹿皮巾六星南極無方富萬石西京德養純
獻歲溫綸瞻黼展白頭黃閣領詞臣

九族分縑中外同靳黼會左復南東市通羌域茶綱遠
河鑿湘春瓠子功舟柁動隨元氣轉緋牙眞見老成風
深春杖履棠坡月瑞靄山頭玉色翁

諸荀改里詣公卿庭誥優游畫軾榮天節八星忠可使

人綱十道治能平卿雲月滿昭萊綵壽嶽雲飛獻羽觥
折角誦經家法在孫枝連跗演科名

梁潘學士杖朝還重見先生柱史班巖電紫光劉奕奕
儒宗天水趙閒閒江河一柱狂瀾挽衡霍千盤古翠環
廿載摳衣陪子舍大齊圖頌軼香山

上巳止園次韻瞿協揆日本櫻花歌同王湘綺侍
講年丈黃敬興太守廖蓀咳主事汪頌年學使余
堯衢參議朱荷生觀察會重伯太守譚組璽編修
看花倦眼老不殊洗觴坐對雙名姝扶桑龍氣曉纏日
化作此花中國無繁葩況出吉野種奇豔下燭平泉廬

粉紅香白始三月金支翠蕤翹兩株海棠吐實明鮫珠
櫻桃小朵銜蜂鬚此花貌似種殊別海童跪進春人扶
國燄方張國香促天遣名花驕彼都麻姑厭桑不作花
散髻屢被揚塵污種櫻作障以媚世晚粧神州紫奪朱
奇淫萬有塞天地聲雜楚楚悲齊竽何如泰山樹封五
大夫書帶草擷康成儒相公典屬歸尙早手剔榛蔓開
靈區束闌梨花翦明白西府古棠纓曼胡但令花事日
幡灑足使鄉味供蓴菰根文園共燕許早植地望齊
亮瑜超覽樓前好花霽鳥聲喚醒提壺盧梁園曲水合
詩讌如珪撞鐘鼓應桴爭看靈卉照亭午便有海色明

花觚吾聞百香之心與天合獨異此花毋乃迂櫻花櫻
花兮毋侈汝國風之盛姑醉汝以中山之釀步兵之厨
汝花雖繁種不實天公育汝終何如

竹山灣廬

老屋及春荒東西尙幾廂仍將明代瓦來補國初坊父
老溪前後兒孫竹短長歡攜覓杯具多恐負江鄉

過仲姊山居留題庭中牡丹

辨曉別祠墓嬉晴來戚家呼僮纔繫馬待食且看花舞
態籠庭霽狂香簇障紗靨迴慵褪粉肢暝半烘霞雌白
終能守蜂黃任有衙一魂蒐國艷三日戀春奢富貴羞

城市睽離久物華衰稟訊阿姊歸咫尺又天涯

麓山堂

講座寒生白袷衣嶽雲穿幌闕江暉風聲狎樹自朝夕
山色與人無是非失路碑亭苔屐折過厨溪溜菜苗肥
疏鐘冷壑何人世籠鶴出山今始歸

送吳子修學使二首

絃歌幢節在郊坰靈麓低船儼畫屏就第詔書明雅迹
輜軒荃察注騷經中朝物望齊三老太史文綸炳六星

滄海橫流今守轍道南吾輩仰邦型

君聘予主校嶽麓

嘉招遺跡接朱張勝地卿媛舊講堂一足近支南嶽脈

萬流齊納洞庭荒疏簾雨硯遲游屨背郭風帆數客裝
清望兩朝名父子扶輪應企楚風強

謂綱齋侍讀

松柏仙雲樓歌贈廖蓀老

并敘

蓀老治朴於常甯之水口山七年以二萬金贏
百萬至十五年贏四百萬松柏市距卅十里綰
運道作仙雲樓落之以詩

君身挾仙雲飛上千松頂帝遣兩青童扶入高樓寢起
看樓外茭源場白日瀉水無銀荒赤龍拔鬢山鬼藏鉤
者在穴捶在岡疾輪轉風砂簸揚二萬乃贏百萬強君
不聞荊州職方古貧國地寶未搜民力竭峭廬中丞面

石身十
如鐵界汝詩人廿官職詩人治廿復作樓樓薈倒挂銀
河流市聲蠻語紛鉤輶笑指詩人樓上頭松枝似龍柏
似虬驂駕詩人游十洲樓亦不得傾廿亦不得絕山靈
面論上帝側鍊冶輪將十五年第一湖南救荒策噫噫
詩人歸去來神州何處非强臺

半學齋

溪流塞愈奔山翠巉非故悠悠三十年還我讀書處
官師旣異轍天下無康莊一鐙牖一壑半墮菟明光
齋銘注東西字弗合寰海我不見古人古人見我在
失意已爲得傳心甯有宗講牀深坐冷忘是六朝松

萬壽

寺六朝松以光緒二年春爲雷雨所拔
斲爲講牀二長二丈餘置堂東西序

愛晚亭

全麓神光在此亭
仆垣搜湖見雲扃
葉翻山響來人語
松出橋邊更鶴形
雲裏樓臺依樹白
雨中燈火偪山青
二南詩刻前型渺
晞髮持鏡問茯苓
亭前有垣橫絕山
口予仆垣重葺之
刻張南軒錢南園兩先生詩
並羅鴻臚典舊聯於柱間

虎岑堂

講巖東抱虎岑堂
吞吐湘城幾夕陽
二寺苔幢千佛冷
六朝松院一僧涼
江雲缺處收龍尾
山雨晴乾發麝香
終擬無名老邱壑
煮泉燒筍待滄桑

青楓峽

何峽不隘天何樹不飲泉天爲樹所鬻樹爲風所專
攢三四里排突千萬年入林肩並聳拾級足俯纏萬狀
一碧裏停筇扣蒼煙蒼煙亦驚人扶磴皆左旋掠鬢白
蝙蝠冒襟紅杜鵑翔棲渺專壑幽賞中延緣峽穴晴養
雲峽脈雨灌田不知煙外寺併入空濛禪

雲麓宮

煙寺不我招所適由意造遠覘邱壑同近接雲物皎山
門舊題跡壞碧不可掃飛來鐘在懸拜嶽石如擣橫風
納湘流俯瞰一亭小蟲沙有時劫天地不知老繞郭白

萬帆攢天星幾秒野鳥上不力歸雲跡能抱坐樹深分
明攀蘿恣幽討林疏趣自殊境寂人無懊憑軒和楚狂
逝矣從商皓

山路

爲學不識途積卷憎牛毛登山不知路刺脛多蓬蒿天
下書院四麓山湘所淘朱張首闢學如山有溪橋千盤
而百折寺觀連堂坳階通聖賢級力與天地包自卑先
築亭印心方仰巢胡爲絕澗壑直欲升岩巖我來山路
廢逡巡徧巖磔邕碑故處失谷口新垣高勝院以爲堂
跨溪橫直竅峽埋風雲氣逕背猿鶴嘲理不喻於學毀

之殊重勞仆垣得山路傍舍行周遭晴覬愛晚亭峽樹
連蕭蕭不知今盲人何憾古神皋曩詰猶可追新知毋
或湣迷方契修塗安用神怛怛

次韻題廖笙老珠泉草廬圖二首

如雲詩思得平章八景樓臺七寶箱風簾自饒坡筍味
靈荃吹落澗亭香置身時局驚非昨握手鄉情老更狂
何日從公引杯酒珠泉穿漏養堂牆

震薄雄心不復論待翻漁父竹枝音五千道德笑翬舉
七十紅顏猶壯吟醜石晚扶幽磴步老梅香暖隔溪襟
霜縑物色彌今古聖處終須買權尋

圭峰一半明上爲雪所截吞入靜翁窗詩魂與之白

圭

峰積雪

黃鹿佺來居石巢二首

驚喜君歸若有神風波老健一湖民三臺僚友知多少
六詔烽煙感舊新累篋朝衣飴瘴色解裘碑拓浣行塵

君攷釋建武十二年孟殊方久飫神君頌璽憶爲郎執
孝据碑爲滇南第一石

戟晨

社觴龍喜別京華垂老相看歛到家倚襪共題山館月

洲中李氏買舟來看石巢花天荆地棘詩無恙水宿風

茅香山館
食酒可賒落日低迷自樓舍翠尊迴合一帆斜

次韻鹿老

溟海唐梅魄已臞詩人杯勺小昆湖懸知腹地難爲吏
卻立公門更少儒對酒客鈔金馬詠看花翁妒玉簪鬢
石巢暑懨行觴健莫惜殘鐘盡此壺

次韻鹿老示十七郎

飲池杯愛老人銜十七郎齋屹屹岳芝館春秋佳可喜
蘭亭少長集能咸奚驢覓句肩常聳金石分編眼更饒
難得清尊倚黃石小詩要汝餞歸帆

和錢潛山畫石歌用東坡枯木堂詩韻

潛山名心與世絕詩瓢同酌大江月朝來贈我畫石歌

山鬼悲啼眾竚發詩云畫石與心通吾指有物心無物
寸心如石不可轉有石自汝眼中出媧皇俯拾庭際詩
素練空堂飛霹靂鼉作長橋勢可吞龍潛深淵力難拔
吁嗟吾畫一紙耳居然有聲出山骨長風闕峽江倒流
青天怒掃潛山筆東頭西屋相驚呼畫石乃易龍堂珠
不知汝詩吾畫是何怪笑矣更雜悲來乎

畫石寄詩孫七十

吳淞駭浪朝吞天我憶詩叟心茫然腥羶萬族裏窮髮
叟常拄杖摩人肩官雖僉巡印不與馬牛南北知叟賢
叟今高蹈呼成連看蜃結市龍耕煙隔牆惡少窺叟健

爭持縑素納酒錢法書名畫滿天下虹月老買滄江船
我交詩叟三十年一杯以外惟孤羶學書往往識君意
弱翰欲起搏鴈鷗邇來巢居浪畫石費盡百幅吳江牋
固知藝事有高格叟外海內無人先足下今年政七十
看花健步躋樓巔猶聞飲啖恣所欲腕力益奮神明堅
昨題八圖歎驚絕龔老示我山窗前麓山在目園在手
天公怪爾窮雕鐫公子高才得真諦畫樹眇靄山便娟
諸孫平原構法乳道州五葉人爭傳清門代儲特健藥
叟有壽氣齊星躔高文適爲性所寄大壽自笑天無權
我思舉觴就叟飲三年不踏吳孃舫月明黃鶴歛東下

翩落詩庭招太玄
埵詩塏畫遠壽叟有日追陪東海邊

借校印伯宋詩鈔屬芝蟬補蠹重裝四首

雪窗茶竈補遺編
直接詩靈七百年
萬古江河真不腐
詩壇名論拜洲錢

能尋宋美知唐昧
七字蘇黃始盡之
代不數人人數首
誰能復起與刪詩

詩心癢處共誰搔
惟有今時顧賊曹
萬古峨眉青不刻
直從江上看飛濤

妾掇殘叢翁倚杯
一鴟應逐笑香來
還君秀野堂中物
鄭婢當牕問體裁

寄夏彞恂六十

頤春老人情惻惻壽骨詩心老如鐵改官十載都下來
曳杖江南望江北江南官多才漸少老人治兵有憂抱
兩年章瀨椎嵯回賃廡秦淮看花草樓船簫鼓矜上都
學僮拜官天子呼老人跨海劇橫涕不待龜燭長嗟吁
小年自署環猿館老去官爲作詩嬾憶出榆關壁上觀
李劉吳魏分長短頭白師生湘綺樓春前壺榼共綢繆
甯知宣室求王傳不及江南嫁莫愁擁肩長笑詩人癖
焚尾分杯眾香國篋中百二落花詩六十年來事如織
老人行腳懸江東伏雛令子氣如虹膝前奉觴祝難老

碧城猿嘯花玲瓏乞我新詩爲畫石石狀如人有奇迹
天荒地老肯鐫詩髭鬚先生岸巾幘采石樓高望岳陽
壽人南極倚天長從游萬里司花女好爲尋詩响巖傍

石巢詩集卷七終

石巢詩集卷八

甯鄉程頌萬子大箸

畫石一百二十首

靈髻峩峩翠點深
抱芝人共立秋陰
不言未必無知己
留與媧皇作賞音

一片空明數點苔
雕鏤莫待惡詩來
人閒位置終無地
留與黃姑作債臺

世人但賞石三面
誰知眼變心不變
我今識得石頭心
畫與九州人共見

吾畫人閒不必傳
但思畫汝補青天
海枯天缺吾將老

紙上仍多未了緣

礮腳輪囷肩背齊方亭東畔石闌西巖然一角當天瘦
要瞰黃河華嶽低

畫石無心石有心何年鬼斧劈秋林我圖可朽君不朽
地老天荒留賞音

三十二相不可窮七十二家書豈同我今畫石石未工
惟有妙想開鴻濛

獅蹲一石在西籬我自冥頑汝自癡猶憶昨宵明月下
抱孫騎汝讀唐詩

君子亭前石丈餘一亭對石坐攤書底須撐拄神州力

方算人間偉丈夫

幾輩江城畫裏游也無林壑也無舟尋秋大別山頭去
坐嘯天空江倒流

笠屐翩然似石公江亭笑叱大王風祖龍有鞭鞭不得

手控長橋拖彩虹

題笠屐
石二首

笠屐翩然嶺海來西山一石對崔嵬天驚膽有奇文字
不向人間化劫灰

九州名在一尊同突兀尊前見此翁絕似巖前焦處士

抱書橫枕亂流中

右題贈節
庵二首

獨立蒼茫一語無石林猶恐鬼揶揄不知混沌何年鑿

辛苦人間識字夫

一層冰格一重苔卻笑天公費剪裁我比天公更無事
不留媚骨與人猜

縐透峻嶒出洞庭雕鏤元氣爲詩靈不須時世矜梳髻
坐對湖山萬古青

記得童時講院門先公笑指石忘言如今作畫吾將老

更有庭前兩石孫

余暑時侍先公益陽箴言
書院有石如仙掌特立

石巢南畔是蘭堂小小靈巖曲曲廊卻笑頑夫有清福

一盃留伴水僊王

畫靈巖
水仙

千層山骨偃晴空家住丁灣東復東略似銅官挂帆葉

巖前吹斷鯉魚風

三疊煙鬟破筆撐袖中東海亂雲生靈媧祇鑄無情物
若是多情畫不成

醜骨峻嶒駿骨薶祇須隨筆點秋苔水邊一角癡龍影
知有青虹貫月來

聞道乾坤有棄材洞天一品自崔嵬笑他此日無天補
權作園林玩物來

一葵開背亂巖幽別樣詩心別樣愁翻喜菊花能避俗

不開籬落占清秋

畫石
葵菊

寫作人間時世妝阿娘眉上有秋霜懸知那角情天缺

不集
祇有儂家石敢當

湘山巖寫翠玲瓏割取雲腴寄默翁寫出石兄眞面目
西堂簾卷雨兼風

竹山灣下石無多雨柱崢嶸在澗阿猶記小年騎竹處

笑緣石磴唱山謠

世居竹山灣三百年老屋也

近向江干築石磯何如窗下畫離奇一層山骨一層草
吹老西風不用離

二十年來玉骨清竭來江海託浮生撐天信有奇文字

要與人間慙不平

四首題寄子樸

疊翠山屏小院深墨魂詩思共沉沉莫教偷畫支機石

昨夜黃姑有妒心

莫愁雙槩石爲城生小何曾解送迎一塊人間無用物
渾忘說法有來生

亂墨和雲畫作愁三生彈指幾春秋笑君本是玲瓏物
強被人呼作石頭

千石萬石不知名畫汝猶嫌太瘦生繙徧人間石頭記
教儂難畫是無情

世人畫石兼畫竹我愁畫石食無肉石中有孔不能方
但照吳山煙水綠

世人畫石兼畫蘭我愁畫石無峰巒青天有梯不可干

靈均夜哭湘水寒

藥洲池上補蓮亭記得窗前九曜靈二十年來別仙掌

天風吹夢墮南溟

南漢九曜石仙掌其一也

畫石三面縐瘦透畫人百年老壯幼是人是石不分明
我佛祝汝無量壽

數點牆頭不隔山幾莖籬下見秋斑尋秋載酒瓜皮艇
西子湖西灣復灣

頗似靈岩岩上松北風吹雪偃蒼龍君家畫意吾家酒

冷入山巖翠幾重

二首題子申畫松菊石

千尺峰巒拔地生石巢詩寄渭陽情畫成抵似龍門柱

潑墨寒牕走雪聲

芝館靈巖爛醉時外孫齏臼有新詞
槎塘石筍龍孫茁

競進春風阿母卮

二首賀朱俊夫
外甥舉優貢

聞郎新自九疑回
刻石人爭頌吏才聊畫一拳爲汝賀
排衙百里走風雷

清廉易見人間石
皴栗誰如玉隱仙他日
蒼雲照東海

穴中時湧在山泉

二首寄陳郎豪
生御篆寧遠

生小湖山見性真
湘娥明月悟前身而翁祇畫支機石
不寫人間富貴春

江城送嫁幾經年
妝鏡巖亭小有天湖外思親阻鄉夢

春風回首養芝僊

右寄女娟

雪窗題石送君歸江上詩心怒欲飛畫出石頭三面好
祇從一面長苔肥

留人叢桂遠湘灣清絕園亭倚翠鬢惟有石兄能護汝
不教愁黛鎖春山

寄園聞道須求石君有奇懷欲補天昨夜鐵龍吹夢醒

四山梅月萬嬋娟

三首爲朱寄園題

黔靈一片望嵯峨畫本鄉愁奈遠何明日石巢殘雪盡
催君鐵騎渡黃河

畫石難於畫性情海山仙怨豈能平窗前怒掃如椽筆

中作君家試劍聲

二首贈胡晴初北上

知君日與石爲鄰江介風濤百戰身築就三磯存一畫

人間何物是清貧

右題付趙日村

題石今傳十髮翁石巢秋好月玲瓏懸知萬壑千巖外別有漁翁打槳風

畫意娉婷酒味涼月魂扶石下西廊鐵崖樂府靈崖曲

笑詫芝娘與畹娘

子秩爲畫石蘭芝

一花一葉一如來石作情根玉作胎染就綠波鴛欲笑

冷紅飛上酒人腮

子申畫石傍水作荷花

菊瘦詩清籬落斜月魂能媚酒人花他年記取靈巖集

七曜圖中兩畫家

子申子秩

石巢花影上磐陀畫本詩情奈爾何童子睡時書味熟

歐陽一賦占秋多

我除畫石百無能君一談詩病已興貌取石頭三百本

巢居人似種花僧

因君病起爲題石絕似娉婷殢酒人簾卷西風都不畏

詩情能占野梅春

四首爲歐陽淮生題
石菊子申子秩合作

君自湖山佳處歸包山林屋石能飛殘年袖手看龍戰

風雪柴門擁翠微

射虎閒來看着棋笑予翻似虎頭癡蒼崖倚作神州柱

待刻他年海嶽詩

二首送杜元穆還湘所著名海岳集

四十五年始畫石寄予小阮城東家蒼崖壁立見詩骨
崖中定孕幽蘭花

五日畫日不受鏤卅年學仕汝能賢海珠升沈寶母出

定有龍氣翳青天

二首題寄嶽石

畫石能令百感平人間何物是勞生
餐風莫損殘年竹
留聽巖邊掃雪聲

四石崔嵬雪不薶寄君彭蠡當書來君今莫下元章拜
此是媧皇竈底灰

注易何如畫石心兩人作宦太蕭沉不知別後匡山澗

踞石何人解聽琴

巢居石友似吾閒
鼓桂何年傍小山
莫笑石痕多老醜

情天待汝畫眉彎

四首題寄由父
南昌君方續娶

突兀玲瓏清且癯
紫苔封鎖碧菖蒲
月明三徑招遷客
不是陶閒是柳愚

磊磊落落見邱壑
畫意蒼茫在高閣
陰陽癰痔石爲靈
安得神工鬼斧削

蜀山突兀不能寫
拔地一拳趨向東
樊口西山藏笠屐
詩人爭說顧黃公

庭前壽氣芝蘭好
客裏交親竹石宜
風雪一天鑪火外

節庵尊酒約庵詩

四首壽印伯

胷中鐵石指尖靈畫意蒼茫隔洞庭誰道老夫心倔強
近來詩思入沈冥

送君作吏視此石藐爾一拳人不嫉雨中高閣對湘山

蒼茫詩境寥天一

送胡吏赴沔陽

曾題七曜圖中石又醉先生謝印齋一柱撐天文字在
酒杯能暖雪庭懷

傳鉢世稱無量壽老仙應與佛同舟人間嶠雅江亭畫

應笑談經石點頭

二首爲節庵壽龔靜老

石氣濃蒸雨氣涼江亭春老未還鄉不知响嶠峰頭客

石象
何處尋春得禹糧

岸然不阿亦不倚人生有情乃如此丹青歷劫皆不磨
留取真靈照湘水

古人讀書破萬卷我儂畫石破三面不破萬卷不能空
不破三面不能見

奇情突兀照江湘畫石尊前贈五郎大地東南搜寶母
漏天西北泣媧皇

記從連峽還英峽曾說晤溪與五溪秀特輪囷人跡絕
此中甯有上天梯

破筆撐空掃淡雲朝朝湖上望夫君贈君五日靈巖畫

冬意三分夏二分

六首爲舒
澍生題

層崖裏足三千仞世變懸心八九年欲挽藤蘿栖石屋
與君同結畫中緣

爲鄭曼
叔畫

突兀湖山替寫真貪看偃仰出嶙峋自從黃土搏人後
幸汝能藏太古春

君子亭前石有情牕間拱揖聽書聲不知一品何方石
卻爲元章浪得名

巢居畫石近如何聊爲詩人遣睡魔三月牕前風雨晦
莓苔添向石尖多

吾宗雪翁能畫蘭見予畫石走且歎奇情不爲俗眼寶

傲骨能敵天風寒

畫付宗人雪階

三月湘江鮮筍時
厨人劬筍石先移
饒坡卻愛清陰好
留取窗前一兩枝

兩竿畫竹一拳石
聊爲我郎詩寫愁
何似浯溪詩句好

雁聲龍氣挾行舟

畫竹石寄豪生其過浯溪詩云漸看奇石騰龍氣已覺寒風變雁聲

山中鮮筍化爲石
充作女媧厨下食
江城又值櫻筍時
食肉東坡成菜色

門下黃生畫本新
通儒孫子例清貧
乞予圖作參天石

挂向空齋動鬼神

二首題付黃芹生爲虎癡先生曾孫

都梁詩國亦石國
鄧氏文雄天所歸
斜日江樓共吾子

白雲如石戴詩飛

卅年相見各詩窮
畫石何年遇石公安得
小山招隱後

抱詩來訪石巢翁

二首題贈
鄧子竹

煉就雲霞洗淨苔
江亭春好望崔巍
使君愛說生公法

灌佛三朝作壽杯

贈卞薇閣三
十七初度

兩峰相對不能語
突出竟爲天所容
一種人間閒筆墨

松真化石石爲龍

九州文字感清寥
四十詩人鬢已凋
草木禽魚都不寫

祇圖頑石學天驕

撐腸文字五千卷
倚石茆檐八九間
詩骨酒稜何處所

石集八
畫中人在大荒山

紫籐花下是君齋
寒月扶花上石來
欲覓老夫心裏畫
先溫濁酒兩三杯

醉中畫石醒題詩
戶外人多笑石癡
說與老兄珍重意

峻嶒病骨歲寒時

二首爲蘇錫其題

蜀使歸船下三峽
峽中龍氣與詩高
層巖壁立鏤名字
不怕秋風卷怒濤

石破天驚一疏孤
敢拚心事落江湖
三年不拜元章石

聊寄山齋小畫圖

寄趙芷蓀學使歸里

西塞桃花作近遊
山奇石古似清秋
扁舟載石歸來日

牆角西鄰對小樓

畫意都非人所知
醉來心眼望東籬
風穿雨漏初晴後

幾點莓苔上石時

爲管亦仲二首

人間秘閣有倪迂
天上支機少畫圖
萬樹千苔無處着
閒心祇合住江湖

長沙一月雨聲中
石上莓苔洗漸空
我汝童心俱未減

被人呼作小玲瓏

題贈粟谷青

溪山繞屋樹磐陀
童稚相扶一見過
樹底石兄驚笑我
歸裝書有二騾馱

一十七年別子久
爲留詩畫屋廬閒
溪亭掃石共儂醉

山月下來門未關

老去弟兄如石健歸來松菊眠人驚山樓夜話泉漱石
猶作大江風浪聲

老屋平居三百年讀書飲酒羨君賢日從錦石坊邊過

五色溪明看刺船

四首贈族兄仲梧

小詩鈔檢蕙風閣倚石清吟六十春此日湖山尙明秀
紫苔鋪作養堂茵

當年翁媪各含笑閒遣小郎來索詩貪揀繡絨添石色
陰晴界與阿囊知

竹醉吾家兩生日何山石壽各兒孫少兄十歲嫂十四

那乞魏舒官舍恩

違醉湘廬十六年門才諸子喜聯翩圖成介壽青綾幃

不獨呼兄拜米顛

四首壽嫂李夫人六十

二百年來說遺老吾鄉舊有石船山圖成似有江湖興

湘月空濛竹一灣

畫付效莊十八姪

疊翠山屏間小牕柳條東面受風降春愁咫尺簾陰接

墅外黃鸝飛一雙

占斷西南婀娜風髮雲飛想接晴空一番駭綠紛紅地

來訊填詞白石翁

辛亥六月作靈巖垂柳圖耐盆補柳柳爲余手植高覆靈崖在養芝仙館

西

老人星墜石巢來池上花枝對客開
一別十年相視笑小孫低覆掌中杯

石頭儂汝成三友影落池邊六客來
雲月青天太忙煞舉杯邀汝小徘徊

傳徧江湘百首詩老懷渾似石無知
巖傍貌取娉婷石肯爲先生捧壽卮

三首贈黃鹿
仝留居石巢

大江西上能移石酒墨未乾詩語靈
一半西湖煙水氣晚窗初蝕髻星星

籬花亂眼酒盈船宦海忘機卽是禪
畫箇冰翁籠裏坐海山籠袖看耕煙

二首壽許
冰盦五十

借宿山寮息醉吟此心真與此山深天驚石破世何有
來聽吾師悽梵音

廿載先靈謐邱壠一旬故國易山河與君閒話從頭事
涕淚三生石上多

辛亥九日謁先墓於雲蓋
山中題贈覺迷上人二首

石巢詩集卷八終

十髮居士全集

石巢八

三

鹿川閣

石巢詩集卷九

閒山社詩

甯鄉程頌萬子大箸

宣統二年中秋後三日集約庵遠山筴與節庵印伯
詰甫各鈔所爲詩竟夕成冊屬汪鷗客製桐館鈔詩
圖限閒山五韻同賦一時和者數十家俄節庵還粵
約庵去宜昌社事遂闕然寄箋賡續未已今第錄原
作以箸社始丁巳二月晦十髮居士記

約庵招同節庵印伯詰甫飲集限此五韻同賦

葛帔南鄰晚過閒牆頭梧葉及秋刪尊前日色江湖短
枕上詩篇夢覺關共宅清漳諸客詠宜封碧海一鷗還

坐惟節庵
得引退

分榆歲序羈愁破霽月斜窺屋角山

同作

梁鼎芬

節庵

酒深得病此身閒桐館鈔詩又自刪佳句有時疑隔
世清談無礙似禪關死生聚散那能說搖落栖遲尙
未還韓偓笑人相待淺疏才多負合藏山

同作

顧印愚

印伯

幾時心與跡俱閒惜日韜精暫撥刪真率會容從邵
馬無聲詩請喻荆關苦吟性習行將老感逝英靈炯
不還

坐中節庵說鮮庵鈍叔
雅海諸君詩今皆謝世

小雨適來宜久坐風鏹

茶火舊藏山

同作

楊觀圭

結甫
錫侯

疏花翠篠向人閒
塵外招攜百慮刪
清夢前宵飛玉宇
新詩幾輩啟元關
翳雲寒兔時吞吐
媚水流螢故往還
且倚琴尊拚一醉
漫將苦語闢遺山

同作

李

孺

約庵
子申

菊畦延月一宵閒
老去豪情不忍刪
北海千鍾常引滿
西風一葉總相關
亂蛩隔竹秋如訴
病鶴尋花野未還
醉憶鄰翁新睡美
謂佛翼月明深照隔牆山

喜節庵病起有文酒之約

未老君恩許放閒
國憂如草不能刪
神山有藥尋三島

天問何人守九關
曳杖花前聽棋罷
鈔詩燭下引杯還
隔籬心眼傷園客
一帶靈巖簇假山

同作

楊觀圭

心遠非緣病始閒
靈蘭金匱手刊刪
堂堂歲月壺中換
鬱鬱觚棱夢裏關
得氣最宜秋序健
置身能向急流還
殷勤更與黃花約
謝屐相攜郭外山

同作

李孺

病起攤書幾日間
尊前愁緒不能刪
傳方公有岐俞術
坐痺人忘痛癢關
溪上白雲頻悵望
公先塋在粵之白雲山雙
溪庵中精衛得飛還
公自署精衛庵
丹邱自富長生訣
乞藥

何勞海上山

節庵招飲歲寒堂

桂叢桐社近蕭閒韓孟雲龍互討刪詩骨歲寒三可友
酒兵宵合一當關持螯病客裁書嬾從寒奚奴挾稿還
深念鹿翁家國事幾宵飛夢白雲山

子申子大詒詩知先墓在白雲山雙溪寺旁矜此
孤兒此情不淺感涕奮謝

梁鼎芬

君親兩負得身閒一事無成萬念刪溪寺雲多頻獨
卧柴門客少愛常關

病退回里時未見一官

聽松心上分喧寂

飼鶴苔前任往還異地淹留長是病泣然南望墓前

山

節庵贈詩追念先戶部兄富和

昆弟交親老境閒遺書廿載補還刪獨憑天地爲神識
往陳伯嚴誅先兄稱其神識照天地不廢江河在鬼關
往節庵贈先兄詩云介鶴銘巖下訪君還艱辛涕淚何節今無似新詩我所兄鶴銘巖下訪君還艱辛涕淚何
年賸阡表靈風慟麓山

贈子大追憶伯翰

梁鼎芬

二十年時綠髻閒賢兄傳狀待修刪鳳麟落世嗟無
命虎豹欺人竟在關四印信爲山谷友萬人難贖少
游還慙予視息堪泥滓尙憶初逢瘞鶴山

汪鷗客繪桐館鈔詩圖

泥飲石巢閒復閒
鈔題桐館刪復刪
聊憑畫本汪鷗客
相逐詩人倒馬關
檻底棋枰敲子勁
爨餘焦響得琴還
靈繚斗酒各千古
退筆東坡高比山

同作

顧印愚

舉世塵忙僅得閒
閒鷗百慮信全刪
詞中六客有今日
畫裏七賢如過關
插菊景文知健在
洗桐老瓚許追還
清秋分韻吾家事
佳處何從着玉山

同作

楊觀圭

巔崖老樹意俱閒
怪底經秋葉未刪
身在畫圖張詠

米勢工咫尺范師關幾人星髻如相識萬古湘纍去
不還寂歷一廬元氣在似聞韶濩出雲山

同作

李孺

清才似爾意蕭閒畫理詩心幾討刪高隱不教慙歷

格

吳憚皆以畫隱

斯圖直欲偁荆關龍稱俊弟知名早

十年前識

令弟怡卿

鴻有良妻共載還就菊待張重九宴勞君更爲

畫吳山

節庵將以九日修禊吳祠

予申贈石

塵勞幾日乞身閒鐘乳新移草未刪溫酒鈔詩覓秋味
掬泉安鉢悟元關圖成米老應同拜煉就靈媧得大還

舍北街南喜新霽矮牆新見一房山

移石和予大

李孺

石巢風景劇清閒種竹移花自擇刪嗜好知君同海
嶽殷勤一爲開雲關圖中七曜添星侶江上扁舟壓
水還頗笑坡翁太慳嗇何須畫馬易盆山

詰甫五十二歲初度

身似秋雲有暫閒招攜近事得詩刪易槐郎署曾開徑
載酒元亭待啟關學愛鄭堂箋自寫壽祈丹竈劍飛還
武昌魚味能知我釀合花鯪念小山

答和石巢

楊觀圭

塵海經過相伴閒羨君茆徑自誅刪秋紈贈比珠盈

握巨筆強如弩可關樅竹莫愁延道弛

君築大江三新磯累歲歲

事養芝新采片雲還因風遙憶炎洲翠分得何家大

小山

謂賢兄海年

和喆甫大風

大風驅雲天不閒亭皋萬葉風能刪座間上策急扃戶
天際亂帆來趁關怒竅乾坤插腳入危愁江海裏頭還
倏看東海蜃墓出剗卻樓闌四面山

二十日大風

楊觀圭

秋風竟日不曾閒瑟瑟梧楸着意刪九辨沈寥仍故

國一時文藻共江關揚舠極浦潛虬起吹簫遙天獨
鶴還欲采瓊華憑寄遠邐迥可奈浪如山

歲寒堂看江呈節庵

大江東流日夜閒八公草木無人刪窮秋歌哭抗吾輩
落日腥羶搖海關世事如移太行易何人更上青天還
老來境界各非昔礮飲與君頽玉山

飲歲寒堂晚歸呈節庵

楊觀圭

端憂天遣幾人閒髣髴髮飄蕭亦未刪賴有高風希蔣
徑同攜斜日款松關據梧隱几能相對讀畫評書肯
放還酩酊夜歸風露冷旁人錯比習池山

石身
歲寒堂賦春蠶食葉杯杯題二十有一字云五洲
縱橫蠶食侵尋來軫方遒是所望於志士之奮

興

鬪彩名盜秘翫聞康乾文物並刊刪分羹有約翁當俎
食肉何人盜在關儘有南枝成北向可憐西水不東還
攜筐士女栽桑客蚊力微茫要負山

同作

梁鼎芬

事事憑心各各閒寒花相照草慵刪微蟲亦解譏當
世何物居然下九關祐宋在人天必聽沼吳有日旅
終還吾儕要矢愚公願定見蛇神負二山

同作

楊觀圭

誰云十畝共閒閒細葉柔條次第刪鳴鵲有圖繪幽
什封豨薦食擬吳關卻疑金椀人閒出休認圓籠陌
上還珍重苞桑宜蚤計豈徒流涕效君山

題節庵手拓玉泉山鐵鑊銘銘曰隋大業十一年
歲次乙亥十一月十八日當陽縣治下李慧達
凍造鑊一口用鐵今稱三千斤永充玉泉道場
供養

亭前見鹿破朝閒訪鑊山門草徑刪風裏巖燈杉作柱
雨中僧屐竹爲關楚金蕭寺宜供養吳米空船忍載還

不

梁鼎芬

無題四首

剪刀聲放唾絨閒眉譜重描又改刪冬味自饒嚴繡被
秋波一轉殢愁關隔窗鸚鵡妨言錯悞剗狸奴撼夢還
幾夕騎牆新月影笛聲吹破小重山
十索從郎怎放閒鄰家花樣又新刪夜香巧合鸞爲餅

曉鑰應妨鶴啟關螺子細研攪唾潤蜻蜓小立颭風還
三千薄命逢春譴賺得胡麻肯入山

賭罷櫻桃小坐閒情苗恨葉替儂刪海紅單和膚相映
月白中門手自關嘗罷口脂輪蜜味破將絲繭赦蠶還
相思何處薜蘿路笑指銀屏那角山

病餘絃索付春閒幽徑提鞦草未刪自有生來都愛好
似無情處卻相關暖風扃戶餘香在急雨飄燈響屢還
曾見海西籠袖日又騎饑鳳訪蓬山

讀石巢無題之作擬賦綠窗一首 顧印愚

綠窗渾不省忙閒花未成栽竹未刪睡鳴換香私品

第流鶯請客巧閒關俄驚羽葆淩波出浪說靈槎載
石還急管玳筵愁入夜翠微錯磨夕陽山

和印伯綠牕

戲罷妝成總愛閒自家花樣倩姨刪危詞小膽歸仍怯
麝汗酥胸病不關海色烘屏鸞未醒天香鏤幕燕爭還
靈愁底爲何人說隔斷紅牆便隔山

贈印伯兼酬洛生來自汴二首

蜀學孤羶縱酒閒楚狂秋鬢共吾刪折肱官道通樊口
吹夢嘉陵繞劍關作劇已看諸子貴相知空歎十年還
曩共事自詩名秀野書南雅邪許招攜桂一山
強學堂

幕府文章老未閒
亭林儒效逐時刪
歌詩有弟來同谷
治亂如君且抱關
病眼層江覬雨過
客心孤騎遶河還
陸家造賦多才思
分占淮南大小山

石巢有詩貽余及洛生弟奉畬

顧印愚

選石安巢巢父閒
引泉滌蘚細增刪
早聞涉日詞成趣
更道懷情頌閉關
訪舊客慚三雅俊
借書人遣一鳴還
秦家靚靚登黃集
俱識柯山與後山

送洛生還信陽

顧印愚

小杜孤雲本愛閒
罪言書策久從刪
竭來明月風人郡
歸夢清秋白帝關
藥籠青城猿侶在
葉舟赤壁鶴

飛還當時四海東坡弟長憶書堂木假山

贈印伯

梁鼎芬

蜀中一士老蕭閒論世文章孰可刪
秀野妙才分宋派亭林遺跡得秦關
詩人作吏收儒效佳日逢君必醉還
雙玉庵名無不識義山婉麗又眉山

題豪生尊我集時自都還湘二首

無人尊我始爲閒歸櫂文書少竄刪
波外一煙成怒色風前萬竅是詩關
少年爲縣驚巖俗單舸攜家以病還
龍雨咒來天亦悔刊碑伐罪自書山
豪生知寧遠縣大旱祈雨龍神祠自責不職逾日得降歲熟刻碑祠中

兒女情荒歲月閒北征行卷又刊刪靈旗乍轉湘君廟
鐵騎遙穿武勝關笑我長貧仍似富知郎一往卽能還
鵠原風雨萸觴近後夢沉沉擁萬山

豪生還
遭兄喪

簡飛俠

江亭鍛羽引秋閒如子才華謗莫刪猛士大風寧可得
婦人醇酒豈相關夢搏泥潦薶花去眼眯蟲沙控鶴還
珍重咳華好將息白頭烏哺隔黔山

送約庵之宜昌

官事提攜酒味閒國貧鹽法又增刪遠承少府輸場檄
來筦彝陵出峽關上考人才重梳剔外臺供歛忱批還

知君名蹟三游後更抱疏狂入寶山

題汪小米先生東軒吟社圖鷗客所惠印本

藏卷東軒鼓吹閒靈縑摹副不加刪停琴柳穆風前檻
折屐松鏤雪後關文苑百年傳淞派畫禪三竺覓僧還
相逢鈍叟眞吾友學海尋源更學山

羅四峰劇醉貽書自訟爲廣其意二首

江光橫截小樓閒據案新圖電趣刪文字撐腸飢不療
中原一髮動相關照愁杯罍成孤注未瞑乾坤得往還

莫漫貽書頻訟酒畫成酒甕付藏山

節庵書屬
畫四酒甕

四百八峰歸夢閒閒身化蝶繭蛾刪薑醯滴瀝螯當酒

菊冊迷離燭在關儒吏款君秦洞外

君曾爲武陵桃源宰

詩人撈

月大江還低徊國論無醒醉且縛殘書枕看山

羅四峰集飲於歲寒堂累舉大醉他日貽書自訟

遂欲止酒戲贈解嘲亦解醒也二首

顧印愚

醉鄉天放與安閒萬斛量愁一帚刪沒羽不俟功莫
問翦鶉自王賜何關濁清豈罄名言妙真率纔教古
意還那便獨醒從屈稿百年日計在中山

伶頌雄箴並等閒潛詩止酒大宜刪攢眉豈耐虛邀
社過扇元非教度關夢覺大千歸粉碎釀成真一抵

丹還濡頭祇許張顛俊退筆如山齋亦山

酬羅四峰

楊觀圭

文書束筍一偷閒畫幃吟縑未肯刪才到咸同推幕
府氣如千鎔詎鍵關龍蛇見說駟談笑君司節署交涉有年猿
鶴猶堪共往還豈但兩峰今有四要須盛業兩羅山

家稻村枉示新篇答贈二首

頭白詩宗近有閒一篇跳出謾加刪洗腸大斗涓涓酒
擁鼻虛櫺息息關四郡堂高鑄政寶君歷守漢陽襄陽宜昌黃州百

齡陔養攝丹還觥觥世事論儒效起滅胷中幾嶽山

掃葉飄燈念我閒鏡華孤鐸髣毛刪小池嵌月魚穿石

獨樹暗風犬聽關羈宦幾人同姓望畏途天末數雲還
乾坤莫馭江湖老共抱窪尊對鵲山

曾理初備兵施鶴留卷乞畫石卻寄二首

巖疆西望建牙閒嶮過夷陵惡箐刪石寶五峰森舊衛
散毛千戶阨邊關破荒日月氛能歛浮世文章規未還
猶憶考功相贈語藏胷兵略劍鏐山

伯嚴贈君詩云曾
二溫溫無所試胷

中乃森
千甲兵

畫圖人與石爭閒嬾架頑盆筆底刪憶子敲棋明月下
從吾安硯菊花關尊鼻節物催人老牌印郵官附簡還
爲寫靈縑祝媧補霜豪晴翠竹王山

和節庵病中作

多病身閒念未閒
靈都芝木待鋤刪
靜看藥氣常穿戶
微聽人聲欲近關
肺爲損香姑屏息
鬲難過酒又醒還
生埋七尺薑齋願
呵壁從天乞一山

原作

梁鼎芬

病久方知病不閒
丹丸錯雜費增刪
三蟲膠甚心如矢
四犬獐然意不關
濁酒難醒惟共醉
遠裝初發似重還
此情將說如何說
欲采靈芝無此山

俞恪士提學甘肅過鄂入覲二首

駢征裘帶且寬閒
萬里秦風得采刪
雁路連天隔羌隴

人煙縮地望京關外臺僉副知名久少日詞曹奉使還
飄鬢湘春又江渚驛亭尊酒對看山

青溪樓宅記幽閒牽引籃輿竹未刪數客攜罇散原舍

予前過君青溪寓廬與散原精舍鄰一鐙呼笛秣陵關邊塵乍覺懷人遠

學派相期到海還聲教繡衣偕四出於今國論要移山

同作二首

楊觀圭

西邁軒車了不閒看君問俗向昭刪百家俶詭卮言
出一士規繩勸學關地近渥洼天馬況源探星宿使
槎還翼宣風化儒臣事手障狂瀉巨若山

漢上笙歌小住閒一尊跌宕髭毛刪微微昨夢留青

瑣莽莽邊塵接玉關湖柳盪愁春共遠滄桑話劫夜
無還千齡暫別千秋衰遲爾瑤華翼際山

龔靜老和社韻至百首因贈

是翁矍鑠更蕭閒百疊閒山興未刪壽氣平量天有斗
詞源直下海無關兩郎頰頰偷桃去一客蒼髯奉解還
謂節庵多愧羣流才思竭天教詩老配香山

同作

楊觀圭

雲已成霖意轉閒更將餘事續詩刪流風沈謝曾爲
郡立雪游楊並在關謂伯愚鄉味尊前魚正美歸舟

天際鶴俱還遙知飫德廬江吏猶企臺萊頌二山

同作

顧印愚

明昌元李從閑閑

此字借用

滢水詩成手訂刪佳節登臨

猶視昔平生師友致相關

九日吳祠之宴

書承吳郡人俱老

畫捲滄洲客未還那得從容賦歸去同尋李白讀書

山

晨起園賞成詠

牢落疏星映水閒園丁澆菊揀枝刪饑鳥哺子還爭樹
病蝶驚風誤入關醉舞青天看劍短行歌白日倚饒還
勞生倘得無生樂自掬清泉洗硯山

同作

楊觀圭

曉艷娟娟照眼閒堆胸塵滓爲余刪吟寒乍覺霜飄
瓦偃影微窺月在關籬落幽馨和夢墜天涯涼色送
秋還無言莫笑人同澹共汝孤懷冷一山

讀石巢園賞成詠作永晝一首

顧印愚

永夕增歛永晝閒無因起滅念難刪看花眼淨餘支
枕乘月人稀聽上關先戒凜秋重有感倦飛知意未
當還濯纓一掬中冷水何必清泉獨在山

十月三日石巢枉過安酒意齋欣然命酌

顧印愚

虛堂淨掃此心閒倒屣傾觴禮數刪藏篋俄空驚五

厄說詩絕倒妙雙關了無障翳天機發煥若神明舊
觀還分寫一編長慶例東林錄副貯香山

雪飲示佛翼

相笑鶯坊二客閒宦鄉詩債有商刪友朋棋讌常通席
兒女嬉尋不掩關獐石撲人來雪外酒香梯月過牆還
未知陶孔何身世買醉徂徠缺買山

子申子大居相近投一詩並簡佛翼丈

梁鼎芬

佳人李四寫梅閒程六東頭詩待刪自有風懷能畫

石不論時節可開關

劉夢得題王郎中宣義里新居詩見擬移居作鄰里不論時節

請開關

游龍世上爲三友

佛翼文與子大同居

病鶴秋來偶一還

王二沈泉周七往連牆論學愴他山

庚辰六月余自煤渣胡同移居

南橫街吳柳堂先生舊居左與蒼生鄰蒼生左與可莊鄰三人往還無虛日今二子謝世已久追念前事忽忽三

十年矣

寄海年廣州二首

除是夢中相見閒屢書將寄又塗刪
江風狎坐鯨翻酒海氣薰牀客閉關
垂翅弟足詩卷在掉頭州邑簿書還
三年進退虛舟觸爾汝名存謗亦山

醫俗何如畫石閒文章綺習各除刪
重溟大月魂飛蓋兩地殘年債擁關
見說龍蛇當陸起故應猿鶴盼人還

加飡近事傳歐九寫寄詩愁萬疊山

謂歐陽平齋來

寄中實親家肇慶

繡衣殘照海波閒硯譜端溪且訂刪天以歲星爲譎諫
人來越絕領雄關讀書好色孤情性斫地憂時一往還
倚劍披雲樓上立白頭詩思黯邊山

寄沈子封提學

孱國雄圖未暇閒人文越嶠有編刪客分黃浦灘邊路
前年四月與君別於滬上天折紅梅嶺上關學海狂瀾千劫挽藥洲
奇石一槎還詞儒寥落江湖晚過雁潮音夢遠山

貞林秋憶圖補畫一石呈玉簪

石身力
三
一
月
日
踰鵲對影石巢閒圖帙觀摩歲月刪九死二親魂可接
一官孤注意相關簡編脂粉存人學破碎乾坤有我還
爲寫貞珉儷縑冊襲砧奇響大瀉山

子大屬題貞林秋憶圖

楊觀圭

瑤池艷說碧桃閒何似貞林秋不刪
芬馥與扶湘嶽氣艱迤了悟聖賢關
替爺唧唧前型在有弟依依遠夢還
對此如披中壘傳看攜縑翠照瀉山

程郎穆厂取石巢畫石諸詩綴爲一冊屬題

顧印愚

肝肺槎枒興象閒森然欲作不能刪
座間塵尾清霏

屑戶外鶯歌靜掩關阿買八分書自擅斜川五日詠
俱還宗香大小從碁墅陶寫餘音響眾山

辛亥五月得節庵廣州書卻寄

顧印愚

杜牧僧雲入靜閒靜中念起旋祛刪自便白水黃精
圃不控青牛紫氣關故事汀芒言再宿舊居壁立計
當還饑腸煮字能標格我亦枯吟飯顆山

送石巢還麓山

顧印愚

麓堂高躅寄身閒元晦碑存未許刪題筆僧猶寶滄
海開雲賢豈阨藍關望中北渚登蘋騁卷裏東坡載
石還巢父一枝專一壑已看翠墨鏤名山

寄節庵

辛亥十一月節庵海上書來屬錄開山社詩錄竟附此一篇

顧印愚

火迫迫詩類等閒當時狂語愛難刪
眼中本事渾成憶身後浮名詎有關
神秀北來初祖諦大江東去幾
人還蘆溝回首憶歌裏可有三鄉女
几山

石巢詩集卷九終